

## Permata UMP anjur program kepimpinan pelajar



Terengganu, 7 April- Persatuan Mahasiswa Anak Terengganu (PERMATA) dan Yayasan Terengganu melalui Sekretariat Persatuan Mahasiswa Anak Terengganu (PERMATA UMP) menganjurkan Kem Pemantapan Pemimpin Muda di SMK Chendering selama tiga hari dua malam baru-baru ini.

Program disertai seramai 120 pemimpin muda terdiri daripada pengawas sekolah dan pembimbing rakan sebaya (PRS) bagi meningkatkan kemahiran kepimpinan dan kemahiran insaniah sebagai pemimpin cemerlang yang diterapkan melalui aktiviti-aktiviti yang mencabar minda dan kreativiti para peserta.

Pengarah program, Mohd Syawal Mohammad,22, dari Fakulti Kejuruteraan Awam dan Sumber Alam (FKASA) berkata, SMK Chendering menjadi pilihan PERMATA bagi penganjuran program kali ini dalam usaha membantu pelajar untuk lebih berdaya saing pada masa akan datang.



Majlis penutupan bagi program selama tiga hari dirasmikan oleh Penolong Pengarah Tajaan & Transformasi Pendidikan Yayasan Terengganu, Ustaz Haji Zaki Mat Yakim yang turut dihadiri pengetua SMK Chendering, Hajah Radziah Ismail.

Bagi fasilitator program dari Fakulti Kejuruteraan Kimia dan Sumber Asli (FKKSA), Muhammad Khairul Hafizuddin Mohd Nazam,19, berkata, program yang dikhususkan untuk anak negeri Terengganu menjadi platform kepada mahasiswa Terengganu untuk berbakti.



"Membantu mebina persediaan yang mantap kepda pengawas dan PRS kearah peningkatan akademik dan sahsiah murid menjadi matlamat program PERMATA kali ini" katanya.

Sambutan yang baik diterima dari pihak sekolah membuatkan PERMATA akan meneruskan program yang akan datang bersama pihak SMK Chendering.

**Berita disediakan oleh Nor Fadzillah Zulkipli (Bahagian Komunikasi Korporat) dan Foto oleh Kelab PERMATA UMP**

Posted By : NOR FADZILLAH BINTI ZULKIPLI Date Posted : 29-04-2016, 10:35:19